



宋版春秋

DE 12
1.467
3



門七12
1467
3

春秋經傳集解文公下第九

杜氏

盡十八年

經十有一年春楚子伐麋討前年逃厥貉反夏

叔仲彭生會晉郤缺于承匡承匡宋地在陳留襄邑縣西彭

生叔仲惠伯郤缺冀缺秋曹伯來朝公子遂如宋狄侵

齊冬十月甲午叔孫得臣敗狄于鹹鹹魯地

傳十一年春楚子伐麋成大心敗麋師於防

渚成大心子玉之子大孫伯也防渚麋地潘崇復伐麋至于錫



穴

錫穴。麋地。○復扶。又夏叔仲惠伯會晉卻

缺

于承匡。謀諸侯之從於楚者。九年。陳鄭及

命

聽楚。秋。曹文公來朝。即位而來見也。襄仲聘

于

宋。且言司城蕩意諸而復之。八年。意諸來

失

之。○見。因賀楚師之不害也。往。年。楚。次。厥

鄭

瞞。侵。齊。姓。鄭。瞞。狄。國。名。防。風。之。後。漆。遂。伐。我。

公

卜。使。叔。孫。得。臣。追。之。吉。侯。叔。夏。御。莊。叔。

臣

得。絲。房。甥。為。右。富。父。終。甥。駟。乘。駟。乘。四。人。共。車。○乘。繩。證。

又十一年

反

下。冬。十月。甲。午。敗。狄。于。鹹。獲。長。狄。僑。如。

不

書。賤。夷。狄。也。○僑。其。驕。反。富。父。終。甥。搆

其

喉。以。戈。殺。之。○搆。猶。衝。也。○埋。其。首。於。子。駒

之

門。○子。駒。魯。郭。門。骨。節。非。常。以。命。宣。伯。待。事

而

名。其。三。子。因。名。宣。伯。曰。僑。如。以。旌。其。功。初。宋。武。公。之。世。鄭。瞞。伐

宋

在。春。秋。前。司。徒。皇。父。帥。師。禦。之。彫。班。御。皇。父。充

石

皇。父。戴。公。子。充。石。公。子。穀。甥。為。右。司。寇。牛

父

馬。乘。以。敗。狄。于。長。丘。獲。長。狄。緣。斯。緣。斯。

僑如皇父之二子死焉。皇父與穀甥及牛父皆死，故彫班獨受賞。

宋公於是以前賞彫班，使食其征。門，關門也。謂

之彫門，晉之滅潞也。在宣十五年。獲僑如之弟焚

如，齊襄公之二年。魯桓之十六年。鄭瞞伐齊，齊王子

成父獲其弟榮如。榮如，焚如之弟。焚如後死，而先說者，欲其兄弟伯季

相次。榮如以魯桓十六年死，至宣十五年，一百三歲。其兄猶在，傳言既長且壽，有異於人。

王子成父，埋其首於周首之北門。周首，齊邑，齊大夫。

縣東北有周首亭。衛人獲其季弟簡如。伐齊退走，至衛見獲。鄭

瞞由是遂亡。長狄之種絕。邾大夫自安於夫

鍾。安處也。夫鍾，邾邑。夫音扶。國人弗徇。徇，順也。為明年

經十有二年，春，王正月，邾伯來奔。稱爵，見公

迎之。見。杞伯來朝。復稱伯。舍夷禮。舍音捨。二月，庚子，

子叔姬卒。既嫁成人，雖見出，棄，猶以恩錄其卒。夏，楚人圍巢。巢，吳

楚間小國，廬江六秋，滕子來朝，秦伯使術來

聘。術，不稱氏。冬，十有二月，戊午，晉人秦人戰

于河曲。不書敗績，交綏而退，不大崩也。稱人，秦晉無功，以殺者告也。皆陳曰戰，例。

在莊十一年。河曲。季孫行父帥師。城諸及鄆。
在河東蒲坂。縣南。鄆。莒魯所爭者。城陽姑幕。縣南有負亭。負即鄆也。以其遠偏外國。故帥師城之。○鄆音運。

傳十二年春。郕伯卒。郕人立君。天子自安。大

子以夫鍾與郕邾來奔。郕邾亦邑。○邾音圭。公以諸侯

逆之。非禮也。非公寵人。故書曰郕伯來奔。不書

地。尊諸侯也。既尊以為諸侯。故不復見其竊邑之罪。杞桓公來

朝。始朝公也。公即位。始來朝。且請絕叔姬。而無絕昏。

公許之。不絕昏。立其姊以為夫。二月。叔姬卒。

不言杞絕也。既許其絕。故不言杞。書叔姬言非女也。女

笄而卒。不書。楚令尹大孫伯卒。成嘉為令尹。若敖曾孫。

子羣舒叛楚。羣舒。偃姓。舒庸舒鳩之屬。今廬江南有舒城。舒城西南有龍舒。

夏。子孔執舒子平。及宗子。遂圍巢。平。舒君名。宗。巢。二國。

羣舒之屬。秋。滕昭公來朝。亦始朝公也。秦伯使西

乞術來聘。且言將伐晉。襄仲辭玉。曰。君不忘

先君之好。照臨魯國。鎮撫其社稷。重之以大

器寡君敢辭玉。好大器。圭璋也。不欲與秦為對。

曰不腆敝器不足辭也。腆厚也。主人三辭。

賓答曰寡君願徼福于周公魯公以事君。徼要也。魯公伯禽也。言願事君以并蒙先君之福。徼古堯反。要於堯反。下同。

不腆先君之福。君之福。徼古堯反。要於堯反。下同。

君之敝器使下臣致諸執事以為瑞節。節信也。聘必告廟。故要結好命所以藉寡君之命。結稱先君之器。

二國之好。藉薦也。是以敢致之。襄仲曰不

有君子其能國乎。國無陋矣。厚賄之。賄贈也。秦

為令狐之役故。偽為于冬秦伯伐晉取羈馬。

令狐役在七年。羈馬晉邑。晉人禦之。趙盾將中軍荀林父

佐之。林父代卻缺將上軍。代箕臾駢佐之。代林

父。駢欒盾將下軍。欒枝子代先蔑胥甲佐

之。胥臣子范無恤御戎。代步招以從秦師

于河曲。臾駢曰秦不能久請深壘固軍以待

之從之。秦人欲戰。秦伯謂士會曰若何而戰。

士會曰對曰趙氏新出其屬曰臾駢必實

年奔秦。對曰趙氏新出其屬曰臾駢必實

為此謀將以老我師也。夫。新出。佐上軍。趙有

側室曰穿。晉君之壻也。側室。支子。穿。趙。風。庶。孫。有寵而

弱不在軍事。弱。年少也。又未嘗涉知軍事。好勇而狂且惡

與駢之佐上軍也。若使輕者肆焉。其可。肆。暫。往而

退也。○惡。烏路。反。輕。遣。政。反。秦伯以璧祈戰于河。禱。求。十

二月戊午。秦軍掩晉上軍。趙穿追之。不及。上

不動。趙穿獨追之。反怒曰。裹糧坐甲。固敵是求。敵至

不擊。將何俟焉。軍吏曰。將有待也。待。可。擊。穿曰。

文十二年

我不知謀。將獨出。乃以其屬出。宣子曰。秦獲

穿也。獲一卿矣。僖三十三年。晉侯以一命命

則晉自有散位。從卿者。秦以勝歸。我何以報。乃皆出戰。

交綏。司馬遷曰。逐奔不遠。從綏不及。逐奔不遠。則難誘。從綏不及。則難陷。然則古名

退軍為綏。秦晉志未能堅戰。短兵未致爭而兩退。故曰交綏。秦行人夜戒

晉師曰。兩君之士皆未愁也。明日請相見也。

愁。缺也。○愁。魚。觀。反。又魚。轄。反。方言云。傷也。字林云。閒也。與駢曰。使者目

動而言肆。懼我也。目動。心不安。言肆。聲。放。失常節。○使。去聲。將遁

矣。薄諸河。必敗之。薄。迫也。薄。蒲莫反。胥甲趙穿當軍

門呼曰。死傷未收而奔之。不惠也。不待期而

薄人於險。無勇也。乃止。晉師止。為宣元年。放胥甲傳。秦師

夜遁。復侵晉。入瑕。城諸及鄆。書時也。又反。復扶。

經。十有三年。春。王正月。夏。五月。壬午。陳侯朔

卒。無傳。再同盟。邾子蘧蔭卒。未同盟而赴以名。蘧其居反。蔭丈居反。

自正月不雨。至于秋七月。無傳。義與。大室屋

壞。大廟之室。大音泰。冬。公如晉。衛侯會公于沓。沓。地。關。

沓。徒。反。狄侵衛。無傳。十有二月。己丑。公及晉侯盟

十二月無已丑。己丑十一月十一日。公還自晉。鄭伯會公于棐

棐。鄭地。○棐。芳尾反。又非尾反。

傳。十三年。春。晉侯使詹嘉處瑕。以守桃林之

塞。詹嘉。晉大夫。賜其瑕邑。令帥眾守桃林。以備秦。桃林在弘農華陰縣東。潼關。○塞。悉

代反。潼音童。晉人患秦之用士會也。夏。六卿相見

於諸浮。諸浮。晉地。趙宣子曰。隨會在秦。賈季在狄。

難日至矣。若之何。六年賈季奔狄。○難。乃旦反。中行桓子

曰請復賈季中行桓子荀林父也僖二十八年始將中行故以為氏○行戶

郎能外事且由舊勲有狐偃之舊勲卻成子曰賈季

亂且罪大殺陽處父故不如隨會能賤而有恥柔

而不犯不可犯以不義其知足使也且無罪乃使魏

壽餘偽以魏叛者以誘士會執其帑於晉使

夜逸魏壽餘畢萬之後帑壽餘子○知音智帑音奴請自歸于秦秦

伯許之許受其邑履士會之足於朝躡士會足欲使行○鬪女

涉秦伯師于河西將取魏人在東今河北縣於秦為在

文十二年

東河之壽餘曰請東人之能與夫二三有司言

者吾與之先欲與晉人在秦者使士會士會

辭曰晉人虎狼也若背其言臣死妻子為戮

無益於君不可悔也辭行示已無去心○背音佩秦伯曰

若背其言所不歸爾帑者有如河言必歸其妻子明白

如乃行繞朝贈之以策策馬○趨臨別授之馬

情繞朝秦大夫○朝如趨立示已所策以展曰子無謂秦無人吾

謀適不用也示已覺既濟魏人譟而還喜得士會

○〔課〕素報反秦人歸其帑其處者為劉氏後劉累
之肩別族復累之邾文公卜遷于繹繹魯國鄒
縣北有繹山史曰利於民而不利於君邾子曰苟
利於民孤之利也天生民而樹之君以利之
也民既利矣孤必與焉左右曰命可長也君
何弗為邾子曰命在養民死之短長時也民
苟利矣遷也吉莫如之左右以一人之命為
為主一人之命各有短長不可如何百姓之命
姓之命乃傳世無窮故徙之○與音預遂遷

于繹五月邾文公卒君子曰知命秋七月大
室之屋壞書不共也簡慢宗廟使至傾頹冬
公如晉朝且尋盟衛侯會公于沓請平于晉
公還鄭伯會公于棐亦請平于晉公皆成之
鄭衛貳于楚畏晉故因公請平鄭伯與公宴于棐子家賦鴻
鴈子家鄭大夫公子歸生也鴻鴈詩小雅義
取侯伯哀恤鰥寡有征行之勞言鄭國寡
弱欲使魯侯還晉恤之季文子曰寡君未免於此言亦
微弱文子賦四月時思歸祭祀不欲為還晉
之憂

○爲于子家賦載馳之四章。載馳詩鄘風四章之下義取小
偽反。子家賦載馳之四章。國有急欲有文子賦采薇之四章。采薇詩小
大國以救助。文子賦采薇之四章。敢安居。一月三捷。許爲鄭還。不鄭伯拜。謝公
敢安居。○三息暫反。又如字。鄭伯拜。爲謝公

公荅拜

經十有四年春王正月公至自晉無傳告邾

人伐我南鄙叔彭生帥師伐邾夏五月乙亥

齊侯潘卒七年盟于扈乙亥四月二十九日書五月從赴。潘判于反。六

月公會宋公陳侯衛侯鄭伯許男曹伯晉趙

盾癸酉同盟于新城新城宋地在梁秋七月

有星孛入于北斗孛彗也。既見而後入北斗。

佩彗似歲反。公至自會無傳晉人納捷菑于邾。

弗克納邾有成君。晉趙盾不度於義而大興

服義之善。所興者廣。所害者衆。故九月甲申。

公孫敖卒于齊既許復之。故從齊公子商人

弑其君舍舍未踰年而稱君者。先君既葬。宋

子哀來奔大夫奔例書名冬單伯如齊單伯

春秋左傳卷之九

十一

士。為魯如齊。故書。單音善為于偽反。齊人執單伯諸侯無執。故不依依。齊人執子叔姬叔姬魯女齊侯舍之。行人例母辭。齊人執子叔姬母不稱夫人自魯錄。

傳十四年春頃王崩周公閱與王孫蘇爭政

故不赴凡崩薨不赴則不書禍福不告亦不

書奔亡禍也歸復福也。懲不敬也欲使怠慢者自戒。

邾文公之卒也在前公使弔焉不敬邾人來

討伐我南鄙故惠伯伐邾子叔姬妃齊昭公

文十四年

生舍叔姬無寵舍無威公子商人驟施於國

驟數也商人桓公子而多聚士盡其家配驟仕救反施式鼓反

貸於公有司以繼之家財盡從公及國之有司富者貸

夏五月昭公卒舍即位邾文公元妃齊姜

生定公二妃晉姬生捷菑文公卒邾人立定

公捷菑奔晉六月同盟于新城從於楚者服

且謀邾也謀納捷菑秋七月乙卯夜齊商

人弒舍而讓元元商人兄齊惠公也書九月從告七月無乙卯日誤

春秋九

十一

曰爾求之久矣我能事爾爾不可使多蓄憾

不為君則恨多將免我乎爾為之言將復殺我有星孛入

于北斗周內史叔服曰不出七年宋齊晉之

君皆將死亂後三年宋弒昭公五年齊弒懿公七年晉弒靈公史服但言事

微而不論其占固非末學所得詳言晉趙盾以諸侯之師八百

乘納捷菑于邾入百乘六萬餘邾人辭曰齊出

獲且長獲且定公○獲俱縛反又居宣子曰

辭順而弗從不祥乃還立適以長周公將與

文十四年

王孫蘇訟于晉王叛王孫蘇王匡王不與而使尹

氏與聃啓訟周公于晉訟理之尹氏周卿士聃啓周大夫一聃乃

反趙宣子平王室而復之復使和親楚莊王立穆

也子孔潘崇將襲羣舒使公子燮與子儀守

而伐舒蓼即羣舒○(燮)昔協反(守)手又反二子作亂城郢而

使賊殺子孔不克而還八月二子以楚子出

將如商密國語曰楚莊王幼弱子儀為師王子燮為傅○(還)音旋廬戢

黎及叔麋誘之遂殺鬬克及公子燮廬今襄陽中廬

春秋九

三

縣。戰。黎。廬。大夫。叔。麋。其。佐。鬪。克。子。儀。也。初。鬪。克。囚。于。秦。在。僖。二。十。五。年。

秦有穀之敗。在。僖。三。年。而使歸求成。成而不得。

志。無。賞。報。也。公子燮求令尹而不得。故二子作亂。

傳。言。楚。莊。幼。弱。國。內。亂。所。以。不。能。與。晉。競。穆伯之從已氏也。在。八。年。

已。音。紀。又。音。祀。魯人立文伯。穆。伯。之。子。穀。也。穆伯生二子於

莒。而求復。文伯以為請。襄仲使無朝。聽命。復

而不出。不。得。使。與。聽。政。事。終。寢。於。家。故。出。入。不。書。三年而盡室以

復適莒。文伯疾。而請曰。穀之子弱。子。孟。獻。子。年。尚。少。

請立難也。難。穀。弟。○。難。乃。多。反。又。如。字。許之。文伯卒。立惠

叔。穆伯請重賂以求復。惠叔以為請。許之。將

來。九月。卒于齊。告喪。請葬。弗許。請。以。鄉。禮。葬。宋高

哀為蕭封人。以為卿。蕭。宋。附。庸。仕。附。庸。還。升。為。卿。不義。宋

公而出。遂來奔。出。而。待。放。從。放。所。來。故。曰。遂。書曰。宋子哀

來奔。貴之也。貴。其。不。食。汗。君。之。祿。辟。禍。速。也。齊人定懿公。使

來告難。故書以九月。齊。人。不。服。故。三。月。而。後。定。書。以。九。月。明。經。日。月。

皆。從。赴。齊公子元不順懿公之為政也。終不曰

公曰夫已氏

猶言某甲。音扶已。音紀。

襄仲使告于王

請以王寵求昭姬于齊

昭姬子

曰殺其子焉

用其母請受而罪之

馬於

冬單伯如齊請

子叔姬齊人執之

恨魯恃王勢以求女故

又執子叔姬

欲以恥辱魯

經十有五年春季孫行父如晉三月宋司馬

華孫來盟

華孫奉使鄰國能臨事制宜至魯而後定盟故不稱使其官皆從故

夏曹伯來朝齊人歸公孫敖

之喪

大夫喪還不書善魯感子以赦父敦公族之恩崇仁孝之教故特錄敖喪歸以

示六月辛丑朔日有食之鼓用牲于社

傳例曰非

禮也單伯至自齊晉卻缺帥師伐蔡戊申入蔡

傳例曰獲大城曰入秋齊人侵我西鄙季孫行父如晉

冬十有一月諸侯盟于扈

將伐齊晉侯受賂而止故摠曰諸侯

言不足十有二月齊人來歸子叔姬

齊人以王故來

送子叔姬故與齊侯侵我西鄙遂伐曹入其

郭也

傳十五年春。季文子如晉。為單伯與子叔姬

故也。因晉請齊三月。宋華耦來盟。其官皆從之。書

曰。宋司馬華孫貴之也。古之盟會。必備威儀。崇贄幣。賓主以成禮。

為敬。故傳曰。卿行旅從。春秋時。率多不能備儀。華孫能率其屬以從。古典所以敬事而自

重。使重而事敬。則魯尊而禮篤。故貴而不名。皆從才用反。注旅從同。又如字。率所類反。

又音律公與之宴。辭曰。君之先臣督得罪於宋

殤公。名在諸侯之策。臣承其祀。其敢辱君。華耦

督。曾孫也。督弑殤公。在桓二年。耦自以請承罪人子孫。故不敢屈辱魯君。對共宴會。

命於亞旅。亞旅。大夫也。魯人以為敏。無故揚其先

敏。魯人以為敏。明君子所不與也。夏。曹伯來朝。禮也。諸侯五

年再相朝。以脩王命。古之制也。十一年。曹伯來朝。雖至此

乃來。亦五年。傳為冬。齊侯伐曹。張本。齊人或為孟氏謀。孟氏。公

慶父為長庶。故或稱孟氏。曰。魯爾親也。飾棺寘諸堂。阜。堂

齊魯竟上地。飾棺不殯。示無所歸。魯必取之。從之。卞人以告。

卞人。魯卞邑大夫。惠叔猶毀以為請。敖卒則惠叔請之。至今期年而

猶未已。毀過喪禮。立於朝。以待命。許之。取而殯之。殯於

孟氏之寢終叔服之言齊人送之書曰齊人歸公孫敖

之喪為孟氏且國故也為惠叔毀請且國之公族故聽其歸殯而

書葬視共仲制如慶父皆以罪降聲已不視帷堂而哭

聲已惠叔母怨敖從莒女故帷堂襄仲欲勿哭怨敖取其妻惠伯

曰喪親之終也惠伯叔彭生雖不能始善終可也

史佚有言曰兄弟致美各盡其美義乃終救乏賀善

弔災祭敬喪哀情雖不同母絕其愛親之道

也子無失道何怨於人襄仲說帥兄弟以哭

之他年其二子來敖在莒所生孟獻子愛之聞於

國獻子穀之子仲孫蔑或諧之曰將殺子獻

子以告季文子二子曰夫子以愛我聞我以

將殺子聞不亦遠於禮乎遠禮不如死一人

門于句鄆一人門于戾丘皆死句鄆戾丘魯邑有寇攻門

二子禦之而死遠于萬反句古侯反六月辛丑朔日有

食之鼓用牲于社非禮也得常鼓之月而於社用牲為非禮

日有食之天子不舉去盛伐鼓于社責羣陰

也諸侯用幣于社社尊於諸侯。故請伐鼓于

朝退自責以昭事神訓民事君天子不舉諸侯

尊卑異制。所以訓民。示有等威古之道也等威威儀齊

人許單伯請而赦之使來致命以單伯執節

之故許書曰單伯至自齊貴之也單伯為魯拘

廢禮終來致命故貴而告廟新城之盟在前蔡人不與不

盟與音晉卻缺以上軍下軍伐蔡兼帥曰

君弱不可以怠也意解戊申入蔡以城下之盟

而還凡勝國曰滅之勝國絕其社稷有獲大

城焉曰入之得大都秋齊人侵我西鄙故季

文子告于晉冬十一月晉侯宋公衛侯蔡侯

陳侯鄭伯許男曹伯盟于扈尋新城之盟且

謀伐齊也齊執王使且數伐魯齊人賂晉侯故不克而

還於是有齊難是以公不會明今不序諸侯

書曰諸侯盟于扈無能為故也惡其受賂凡

諸侯會公不與不書諱君惡也謂國無難不

惡。不書。謂不與而不書後也。謂後期也。今敗國別序諸侯。似為公諱。

故傳發例。齊人來歸子叔姬。王故也。單伯雖以明之。見執能

守節不移。終達王命。使叔姬得歸。齊侯侵我西鄙。謂諸侯不能也。此年

季文子曰。齊侯其不免乎。已則無禮。而執王使

而討於有禮者。曰。女何故行禮。禮以順天

天之道也。已則反天。而又以討人。難以免矣。

詩曰。胡不相畏。不畏于天。詩小雅。相息君

亮反。又如字。

子之不虐幼賤。畏于天也。在周頌曰。畏天之

威。于時保之。詩周頌。言畏天。威于是保福祥。不畏于天。將何

能保。以亂取國。奉禮以守。猶懼不終。多行無

禮。弗能枉矣。為十八年齊弑商。人傳。守手又反。

經。十有六年。春季。孫行父會齊侯于陽穀。齊

侯弗及盟也。與夏五月。公四不視朔。諸侯每

朔聽政。因朝於廟。今公以疾闕。不得視二月。三月。四月。五月。朔也。春秋十二公。以疾不視

朔。非一也。義無所取。故特舉此。以表行事。因明公之實。有疾。非詐齊。六月。戊辰。

公子遂及齊侯盟于鄆丘

信公疾且以賂故鄆丘齊地○鄆音

西又七秋八月辛未夫人姜氏薨

僖公夫人文公母也

毀泉臺

泉臺臺名毀壞之也○壞音怪

楚人秦人巴人滅庸

冬十有一月宋人弒其君杵臼

稱君君無道也例在宣四年

傳十六年春王正月及齊平

齊前年再伐魯魯為受弱故平

公有疾使季文子會齊侯于陽穀請盟齊侯

不肯曰請俟君閒

閒疾瘳○閒如字瘳勑周反

夏五月公

四不視朔疾也公使襄仲納賂于齊侯故盟

于鄆丘有蛇自泉宮出入于國如先君之數

伯禽至僖公十七君秋八月辛未

聲姜薨毀泉臺魯人為

蛇妖所出而聲姜薨故壞之

楚大饑戎伐其西南至于阜

山師于大林又伐其東南至于陽丘以侵訾

枝戎山夷也大林陽丘訾枝皆楚邑

庸人帥羣蠻以叛楚庸今

上庸縣屬楚之小國

麋人率百濮聚於選將伐楚選楚地百

濮夷也於是申息之北門不啓

備中國楚人謀徙

於阪高楚險地。蔦賈曰：不可。我能往，寇亦能往。

不如伐庸。夫麋與百濮，謂我饑不能師，故伐

我也。若我出師，必懼而歸。百濮離居，將各走

其邑。誰暇謀人，乃出師。旬有五日，百濮乃罷。

濮夷無屯聚，見難則散歸。○為于委反。自廬以往，振廩同食。往。

伐庸也。振，發也。廩，倉也。同食，上下無異饌也。次于句澨。楚西界也。○句，古侯。

反。使廬戢黎，侵庸。戢，黎。廬，大夫。及庸方城。方城，庸地。上庸。

縣東有方城亭。庸人逐之。囚子揚窻。窻，戢黎官屬。三宿而

逸。曰：庸師衆，羣蠻聚焉。不如復大師。還復，句澨師。

且起王卒，合而後進。師叔曰：不可。師叔，楚大夫。潘，廕也。

○廕，鳥黃反。姑又與之遇，以驕之。彼驕我怒，而後

可克。先君蚡冒，所以服涇隰也。蚡冒，楚武王父。涇隰，地名。

○蚡，扶粉反。史記楚世家云：蚡冒卒，弟熊達殺蚡冒子而代立。是為楚武王。與杜異。涇，音刑。又與之遇，七遇皆北。軍走曰北。○北，如字。一音佩。唯禪

脩魚人實逐之。禪，脩魚。庸三邑。魚，魚復縣。今巴東永安縣。輕楚，故但使三

邑人逐之。○禪，婢支反。儵，直留反。庸人曰：楚不足與戰矣。遂

支反。儵，直留反。○禪，婢。庸人曰：楚不足與戰矣。遂

不設備。楚子乘駟會師于臨品。駟。傳車也。臨品。地名。○駟。

人實反。傳。丁戀反。分為二隊。隊。部也。兩道攻之。子越自石溪。

子貝自仞以伐庸。子越。鬪椒也。石溪。仞。入庸道。秦人。巴人。

從楚師。羣蠻從楚子盟。蠻。見楚。遂滅庸。楚有強故。

謀臣。所以興。宋公子鮑禮於國人。鮑。昭公庶弟。文公也。宋饑。

竭其粟而貸之。年自七十以上無不饋詒也。

時加羞珍異。羞。進也。無日不數於六卿之門。不數。

疏。○數。音朔。國之材人無不事也。有賢材者。親自桓以

下無不恤也。桓。鮑之曾祖。公子鮑美而豔。襄夫人

欲通之。鮑。適祖母。而不可。以禮自防閑。乃助之施。昭公

無道。國人奉公子鮑以因夫人。於是華元為

右師。元。華督曾孫。代公。子成。○施。式豉反。公孫友為左師。華耦

為司馬。代公。子印。鱗矐為司徒。蕩意諸為司城。公

子朝為司寇。代華御事。○矐。古亂反。朝。如字。初。司城蕩卒。公

孫壽辭司城。壽。蕩之子。請使意諸為之。意諸。壽之子。既

而告人曰。君無道。吾官近懼及焉。禍及己。弃官。

則族無所庇子身之貳也姑紆死焉姑且也紆緩也

雖亡子猶不亡族已在故也既夫人將使公田孟

諸而殺之公知之盡以寶行蕩意諸曰盍適

諸侯公曰不能其大夫至于君祖母以及國

人君祖母諸侯祖母之稱謂襄夫人諸侯誰納我且既為人

君而又為人臣不如死盡以其寶賜左右而

使行行去也夫人使謂司城去公對曰臣之而

逃其難若後君何言無以事後君冬十一月甲寅宋

昭公將田孟諸未至夫人王姬使帥甸攻而

殺之襄夫人周襄王姊故稱王姬帥甸郊甸之帥蕩意諸死之不

告書曰宋人弑其君杵臼君無道也始例發於臣之

罪今稱國人故重明君罪文公即位使母弟須為司城代

諸華耦卒而使蕩虺為司馬虺意諸之弟况鬼反

經十有七年春晉人衛人陳人鄭人伐宋自

僖已下終於春秋陳侯常在衛侯上今大夫會莊衛下傳不言陳公孫寧後至則寧位非

上卿夏四月癸亥葬我小君聲姜齊侯伐我

西鄙

西當為北。蓋經誤。

六月癸未。公及齊侯盟于穀。

諸侯會于扈

昭公雖以無道見弑。而文公猶宜以弑君受討。故林父伐宋。以

失所稱人。晉侯平宋。以無功不序。明君雖不君。臣不可不臣。所以督大教。秋。公至

自穀。冬。公子遂如齊。

傳十七年。春。晉荀林父、衛孔達、陳公孫寧、鄭

石楚伐宋。討曰：何故弑君？猶立文公而還。卿

不書。失其所也。卿不書。謂稱人。夏四月癸亥。葬聲姜。

有齊難。是以緩。過五月之例。齊侯伐我北鄙。襄仲

請盟。六月。盟于穀。晉不能救。魯故請服。晉侯蒐于黃父。

一名黑壤。晉地。遂復合諸侯于扈。平宋也。傳不列諸

合。則如上十五年會扈之諸侯可知也。復扶反。公不與會。齊難故

也。書曰：諸侯無功也。刺欲平宋而復。與音預。於是晉

侯不見鄭伯。以為貳於楚也。鄭子家使執訊

而與之書。以告趙宣子。執訊。通訊問之。官為書與宣子。曰：寡

君即位三年。魯文二年。召蔡侯而與之事君。九月

蔡侯入于敝邑以行。行。朝也。敝邑以侯宣多之

難。寡君是以不得與蔡侯偕。宣多既立穆公恃寵專權十

一月克滅侯宣多。而隨蔡侯以朝于執事。減損

也。難未盡而行。言汲汲于朝晉十二年六月歸生佐寡君之

嫡夷。歸生子家名。夷犬子名以請陳侯于楚而朝諸君。

請陳于楚。與俱朝晉十四年七月寡君又朝以蕞陳事。

蕞勅也。勅成前好。勅展反十五年五月陳侯自敝邑往

朝于君。往年正月燭之武往朝夷也。將夷往朝晉

八月寡君又往朝以陳蔡之密邇於楚而不

敢貳焉。則敝邑之故也。密邇。比近也雖敝邑之事

君何以不免。免。免罪也在位之中一朝于襄。襄公而

再見于君。君靈公也。見賢遍反夷與孤之二三臣相

及於絳。孤之二三臣謂燭之武。絳晉國都雖我小國則

蔑以過之矣。今大國曰爾未逞吾志。敝邑有

亡無以加焉。古人有言曰。畏首畏尾。身其餘

幾。言首尾有畏則身中不畏者少又曰。鹿死不擇音。音所。音所。音所。音所。

古字聲同。皆相假借。於鳩反小國之事大國也。德

則其人也。

以德加己。則以人道相事。

不德則其鹿也。鋌而

走險急何能擇。

鋌疾走貌。言急則欲蔭於楚。如鹿赴險。○鋌他頂反。

命之罔極亦知亡矣。

言晉命無極。

將悉敝賦以待

於儵唯執事命之。

儵晉鄭之竟。言欲以兵距晉。○儵直留反。文公

二年六月壬申朝于齊。

鄭文二年六月壬申。魯莊二十三年六月

四年二月壬戌為齊侵蔡。

魯莊二十五年四月。無王

亦獲成於楚。

鄭與楚成。居大國之間而

從於彊令。豈其罪也。

今號也。大國若弗圖。無所

逃命。晉鞏朔行成於鄭。趙穿公壻池為質焉。

趙穿。卿也。公壻池。晉侯女壻。○鞏九勇反。質音致。

秋。周甘歆敗戎于

邠。垂乘其飲酒也。

歆。周大夫。邠。垂。周地。河南新城縣北。有垂亭。為成元年。晉侯平戎于王。張本。

冬十月。鄭大子夷石

襄仲如齊。拜穀之

楚為質于晉。

夷。靈公也。石。楚。鄭大夫。

盟。復曰。臣聞齊人將食魯之麥。以臣觀之。將

不能齊君之語。偷臧文仲有言曰。民主偷必

死。苟且猶

苟且猶

經十有八年春王二月丁丑公薨于臺下秦

伯罈卒無傳未同盟而赴夏五月戊戌齊人

弒其君商人不稱盜六月癸酉葬我君文公

秋公子遂叔孫得臣如齊書二卿以兩事冬

十月子卒先君既葬不稱君者魯人諱弒夫

人姜氏歸于齊季孫行父如齊無傳莒弒其君

庶其稱君君無道也

傳十八年春齊侯戒師期將以伐魯而有疾醫曰

不及秋將死公聞之卜曰尚無及期也尚庶幾

先師期死先悉薦反惠伯令龜以上事上楚丘占之

曰齊侯不及期非疾也君亦不聞言君先令

龜有咎言令龜者亦有凶咎見於卜兆二月

丁丑公薨齊懿公之為公子也與邴歆之父

爭田弗勝及即位乃掘而刑之斷其尸足

病反歆昌欲反掘而使歆僕僕御納閭職之

妻而使職驂乘驂乘陪乘夏五月公游于

春秋左傳卷九 襄公九年 三十一

申池齊南城西門名申門齊城無池二人浴

于池歎以扑扶職激○[扑]普卜反[扶]勅乙反

又箠市榮反職怒歎曰人奪女妻而不怒一扶

女庸何傷職曰與剛其父而弗能病者何如

言不以父剛為乃謀弑懿公納諸竹中歸舍

爵而行飲酒訖乃去言齊人惡懿齊人立公

子元桓公子六月葬文公秋襄仲莊叔如齊

惠公立故且拜葬也襄仲賀惠公立莊文公

二妃敬嬴生宣公敬嬴嬖而私事襄仲宣公

長而屬諸襄仲襄仲欲立之叔仲不可叔仲

音屬仲見于齊侯而請之齊侯新立而欲親

魯許之冬十月仲殺惡及視而立宣公惡大

其母弟殺視書曰子卒諱之也仲以君命召

惠伯詐以子其宰公冉務人止之曰入必死

叔仲曰死君命可也公冉務人曰若君命可

死非君命何聽弗聽乃入殺而埋之馬矢之

中。惠伯死不書者。史畏襄仲不敢書殺惠伯。公毋務人奉其帑以

奔蔡。既而復叔仲氏。不絕其後。夫人姜氏歸于齊。

大歸也。惡視之母。出姜也。嫌與將行。哭而過有罪出者異。故復發傳。

市曰。天平。仲為不道。殺適立庶。市人皆哭。魯

人謂之哀姜。所謂出姜不允於魯。過古禾反。又古卧反。莒紀公

生大子僕。又生季佗。愛季佗而黜僕。且多行

無禮於國。紀號也。莒夷無諡。故僕因國人以有別號。佗徒何反。

弒紀公。以其寶玉來奔。納諸宣公。公命與之

邑。曰。今日必授。季文子使司寇出諸竟。曰。今

日必達。未見公而文子出之。故來不書。公問其故。季文子使

大史克對曰。先大夫臧文仲。教行父事君之

禮。行父奉以周旋。弗敢失隊。曰。見有禮於其

君者。事之。如孝子之養父母也。見無禮於其

君者。誅之。如鷹鷂之逐鳥雀也。先君周公制

周禮曰。則以觀德。則法也。合法則為吉。德以隊音墜。養去聲。

處事。制也。猶事以度功。待洛反。下同。功以食民。

食。養也。○作誓命曰。毀則為賊。誓。要信也。毀則。壞法也。

怪。音。掩賊為藏。掩。匿也。竊賄為盜。賄。財也。盜器為

姦。器。國也。主藏之名。以掩賊為名。賴姦之用。器也。為

大凶德。有常無赦。刑有常。在九刑不忘。誓命以下。皆九

刑之書。九刑之書。今亡。行父還觀莒僕。莫可則也。還。猶周旋。

○。還。音。旋。孝敬忠信為吉德。盜賊藏姦為凶德。夫

莒僕。則其孝敬。則弑君父矣。則其忠信。則竊

寶玉矣。其人則盜賊也。其器則姦兆也。兆。域也。

保而利之。則主藏也。以訓則昏。民無則焉。不

度於善。度。居也。而皆在於凶德。是以去之。昔高

陽氏有才子八人。高陽。帝顓頊之號。八人。其苗裔。○去起呂反。下同。

蒼舒。隕。鼂。檇。戴。大臨。胤。降。庭堅。仲容。叔達。此即

垂。益。禹。皋陶之倫。庭堅。即皋陶字。○隕。音類。數。五才反。一五回反。檇。音柵。又音桃。戴。音漢。又已震反。胤。音雁。降。音杭。齊聖廣淵。明允篤誠。天下之民

謂之八愷。齊。中也。淵。深也。允。信也。篤。厚也。愷。和也。高辛氏有才

子八人。高辛。帝嚳之號。八人。亦其苗裔。○譽。苦毒反。伯奮。仲堪。叔

子。八人。其苗裔。○譽。苦毒反。伯奮。仲堪。叔

獻季仲伯虎仲熊叔豹季狸此即稷契朱倫忠

肅共懿宣慈惠和天下之民謂之八元肅敬也懿

美也宣徧也元善也此十六族也世濟其美不隕其名

濟成也隕隊也以至於堯堯不能舉舜臣堯舉八愷

使主后土后土地官禹作司空以揆百事莫

不時序地平天成揆度也成亦平也舉八元使布五

教于四方契作司徒五教在寬父義母慈兄

友弟共子孝內平外成內諸夏外夷狄昔帝鴻氏有

不才子帝鴻黃帝掩義隱賊好行凶德醜類惡物

頑嚚不友是與比周醜亦惡也比近也周密也

德義之經為頑口不道忠信之言為嚚比毗志反天下之民謂之渾

敦謂驩兜渾敦不開通之貌少皞氏有不才

子少皞金天氏之號次黃帝毀信廢忠崇飾惡言靖譖庸

回服讒蒐慝以誣盛德崇聚也靖安也庸用也回邪也服行也蒐

隱也慝惡也盛德賢人也蒐所留反天下之民謂之窮竒謂

其行窮其好竒顓頊氏有不才子不可教訓不知

話言。話善也。戶怪反。告之則頑。德義不入心。舍之則囂。

不道忠信。傲很明德。以亂天常。天下之民謂

之禱杙。謂鮀。禱杙。頑凶無儔。匹之貌。徒刀反。此三族也。世濟

其凶。增其惡名。以至于堯。堯不能去。方以宣公比堯。

行父比舜。故言堯亦不能去。須賢臣而除之。縉雲氏有不才子。縉雲

黃帝時官名。貪于飲食。冒于貨賄。侵欲崇侈。不可

盈。厭聚斂積實。不知紀極。不分孤寡。不恤窮

匱。冒亦貪也。盈滿也。實財也。天下之民以比三凶。非帝者子孫故

別以比三凶。謂之饕餮。貪財為饕。貪食為餮。他刀反。餮他結反。舜

臣堯。為堯臣。賓于四門。開四門。達四聰。流四凶

族。案四凶罪狀而流放之。渾敦窮奇。禱杙。饕餮。投諸四

裔。以禦魑魅。投棄也。裔遠也。放之四遠。使當魑魅之災。魑魅山林異氣所生。

為人害者。魑魅。勅知反。魑亡備反。是以堯崩而天下如一同

心。戴舜以為天子。以其舉十六相。去四凶也。

故虞書數舜之功曰。慎徽五典。五典克從。無

違教也。徽美也。典常也。此八元之功。曰。納于百揆。百揆時

春秋

卷

序無廢事也。

此八愷之功

曰賓于四門。四門穆穆。

無凶人也。

流四凶也

舜有大功二十而為天子。舉

六相去

今行父雖未獲一吉人。去一凶矣。於

舜之功二十之一也。庶幾免於戾乎。

史克激稱以辨

宣公之惑。釋行父之志。故其言美惡有過。辭蓋事宜也。

宋武氏之族。道

昭公子。將奉司城須。以作亂。

文公弒昭公。故武族欲因其子

以作亂。司城須。文公弟。道音導。

十二月。宋公殺母弟須。及

昭公子。使戴莊桓之族。攻武氏於司馬子伯

之館。

戴族。華樂也。莊族。公孫師也。桓族。向魚鱗。蕩也。司馬子伯。華耦也。向舒亮。反

遂出武穆之族。

穆族黨於武氏故

使公孫師為司城。

公孫師。莊公之孫。

公子朝卒。使樂呂為司寇。以靖國

人。樂呂。戴公之曾孫。為宣三年宋師圍曹。傳

春秋經傳集解文公下第九

春秋卷九考證

十一年傳至於錫穴音義錫音羊或星厯反○案漢書地理志漢中郡錫縣應劭曰錫音陽顏師古曰即春秋錫穴是錫錫二字古已訛用故陸氏兩釋之

十二年傳主人三辭賓荅曰○案上去寡人敢辭玉賓以不足辭對至是復三辭故賓復荅之 殿本閣本荅作客訛

十三年傳中行桓子音義行戶郎反○ 殿本閣本作司郎反非

十四年傳三年而盡室以復適莒○三年 殿本閣本

作二年杜林合註本永懷堂本與此同

十五年傳冬十一月晉侯宋公衛侯蔡侯陳侯鄭伯許男曹伯盟於扈。○案盟扈凡八國諸本皆同。殿本閣本無陳侯兩字係脫簡。

與而不書後也註今貶諸侯似為公諱。○諸侯凡議事聚會而公不與則為惡經恆諱而不書今此會雖不與實非公惡而有似乎為公諱者故傳發例以明其非他本似作以於義未協。

十六年傳楚子乘駟。○駟殿本閣本及正嘉本俱作駟。案孟子置郵傳命古註云置驛也郵駟也楊慎云

置緩郵速驛遲駟疾則駟驛二字其義顯別此言庸人率蠻寇楚楚子會師伐之其謀迅捷理當用疾速之駟不當用遲緩之驛今諸本作驛者蓋緣永樂中制春秋大全盡改左傳駟字為驛後人并以駟為驛之省文遂致二字率用耳。

公子鮑美而艷襄夫人欲通之而不可乃助之施。○他本作夫人助之施案乃字正襄夫人欲通不可之轉計也於文義不當重用夫人字。

夫人王姬註襄夫人周襄王姊。○案八年傳宋襄夫人襄王之姊也註蓋據此諸本作襄王妹非。

春秋經傳集解宣公上第十

宣公名倭。一名接。又作委。文公
子。母敬嬴。諡法。善問周達曰宣

杜氏

盡十一年

經元年春王正月公即位無傳公子遂如齊逆

女不譏喪娶者不待貶責而自
明也。卿為君逆。例在文四年三月遂以夫

人婦姜至自齊稱婦有姑之辭。
不書氏。史闕文夏季孫行父

如齊晉放其大夫胥甲父于衛放者。受罪黜
免。宥之以遠

公會齊侯于平州平州。齊地。在
泰山牟縣西公子遂如齊

六月齊人取濟西田

魯以賂齊齊人不取

秋邾

子來朝

無傳

楚子鄭人

侵陳遂侵宋晉趙盾帥

師救陳

傳言救陳宋經無宋字蓋闕○盾徒本反

宋公陳侯衛侯

曹伯會晉師于棐林伐鄭

晉師救陳宋四國君往會之共伐鄭

也。不言會趙盾取於兵會非好會也。棐林鄭地。滎陽宛陵縣東南有林鄉。○棐芳尾反。

冬晉趙穿帥師侵崇晉人宋人伐鄭

傳元年春王正月公子遂如齊逆女尊君命

也。諸侯之卿出入稱名氏所以尊君命也。傳於此發者與還文不同故釋之。三月

遂以夫人婦姜至自齊尊夫人也

遂不言公也。諸侯之卿出入稱名氏所以尊君命也。傳於此發者與還文不同故釋之。

稱所以成小君之尊也。公子當時之寵號。非族也。故傳不言舍族。釋例論之備矣。夏

季文子如齊納賂以請會

宣公篡立未列於會故以賂請之

晉人討不用命者放胥甲父于衛

胥甲下軍佐文十二

年戰河曲不肯薄秦於險

而立胥克

克甲之子

先辛奔齊

辛甲之屬

大會于平州以定公位

篡立者諸侯既與之會則不得復討臣子

殺之與弒君同故

東門襄仲如齊拜成

謝得會也

六月齊人取濟西之田為立公故以賂齊也

濟西。故曹地。僖三十一年。晉文以分魯。宋人之弑昭公也。在文十六年。

年。晉荀林父以諸侯之師伐宋。宋及晉平。宋

文公受盟于晉。又會諸侯于扈。將為魯討齊。

皆取賂而還。文十五年十七年。盟皆受賂。鄭穆公曰。晉

不足與也。遂受盟于楚。陳共公之卒。楚人

禮焉。卒在文十三年。陳靈公受盟于晉。秋。楚子侵陳。

遂侵宋。晉趙盾帥師救陳。宋會于棐林。以伐

鄭也。楚為賈救鄭。遇于北林。與晉師相遇。楚陽中牟縣西南。

有林亭。在鄭北。囚晉解揚。晉人乃還。解揚。晉大夫。晉欲求

成於秦。趙穿曰。我侵崇。秦急崇。必救之。崇。秦之與

國。吾以求成焉。冬。趙穿侵崇。秦弗與成。晉人

伐鄭。以報北林之役。報。囚。解揚。於是晉侯侈。趙宣

子為政。驟諫而不入。故不競於楚。競。強也。為明年鄭伐

宋張本。經。二年。春。王二月。壬子。宋華元帥師。及鄭公

子歸生帥師。戰于大棘。宋師敗績。獲宋華元

子歸生帥師。戰于大棘。宋師敗績。獲宋華元

得大夫生死皆曰獲。例在昭二。秦師伐晉。夏

十三年。大棘在陳留襄邑縣南。晉人。宋人。衛人。陳人。侵鄭。鄭為楚伐宋。獲其

侯之師。將為宋報恥。畏楚而。秋九月乙丑。晉

趙盾弒其君夷臯。靈公不君。而稱臣以弒者。深責執政

之臣。例在四年。冬十月乙亥。天王崩。無

傳。二年春。鄭公子歸生受命于楚。伐宋。受楚

宋華元。樂呂御之。二月壬子。戰于大棘。宋師

敗績。囚華元。獲樂呂。樂呂。司寇。獲不書。非元

獲華元。故傳特護之。曰囚。以。及甲車四百六

十乘。俘二百五十人。馘百人。狂狡輅鄭人。鄭

人入于井。狂狡。宋大夫。輅。迎也。倒戟而出

之。獲狂狡。君子曰。失禮違命。宜其為禽也。戎

昭果毅以聽之。之謂禮。聽。謂常存於耳。著於

也。將戰。華元殺羊食士。其御羊斟不與

及戰。曰疇昔之羊。子為政。疇昔。猶前日也。

春。秋。十。三。川。三。川。

與音預今日之事。我為政。與入鄭師。故敗君子。

謂羊斟非人也。以其私憾。敗國殄民。憾。恨也。殄。盡也。

敗必邁。反。又如字。於是刑孰大焉。詩所謂人之無良

者。詩小雅。義取不良。之。人。相怨以亡。其羊斟之謂乎。殘民以

逞。宋人以兵車百乘。文馬百駟。畫馬為文。四。百匹。○逞。勅。

領反。以贖華元于鄭。半入。華元逃歸。立于門外。

告而入。告宋城門而後入。言不苟。見叔牂曰。子之馬然也。

叔牂。羊斟也。卑賤得先歸。華元見而慰之。○牂。子郎反。對曰。非馬也。其

人也。叔牂知前言以顯。故不敢讓罪。既合而來奔。叔牂言畢。遂奔魯。合。

猶答也。宋城。華元為植。巡功。植。將主也。○植。直。吏反。將。子匠反。

城者。謳曰。睥其目。皤其腹。弃甲而復。睥。出目。皤。大腹。

弃甲。謂亡師。○睥。戶。板反。大目也。皤。音婆。于思于思。弃甲復來。于。思。

多鬢之貌。○思。如字。又西才反。使其驂乘。謂

之曰。牛則有皮。犀兕尚多。弃甲則那。那。猶何。也。○犀。

音西。兕。徐履反。那。乃多反。役人曰。從其有皮。丹漆若何。華

元曰。去之。夫其口衆我寡。傳言華元不吝。其咎。寬而容衆。秦

師伐晉以報崇也。伐崇在元年遂圍焦。焦音河夏外邑

晉趙盾救焦遂自陰地及諸侯之師侵鄭地。陰地

晉河南山北自上洛以東至陸渾。渾戶昏反。以報大棘之役。楚鬪

椒救鄭曰能欲諸侯而惡其難乎。遂次于鄭。

以待晉師。趙盾曰彼宗競于楚殆將斃矣。競強

也鬪椒若敖之族自子文以來世為令尹。惡難皆去聲。姑益其疾乃去

不君。失君道也。以明於例。應稱國以弑。厚斂以彫牆。彫畫也。從

臺上彈人而觀其辟丸也。宰夫臠熊蹯不孰

殺之。寘諸畚使婦人載以過朝。畚以草索為之。筥屬。彈

徒丹反。臠音而。煮也。蹯扶元反。畚音本。趙盾士季見其手問其

故而患之。將諫士季曰諫而不入則莫之繼

也會請先不入則子繼之。三進及溜而後視

之。士季隨會也。三進三伏。公不省而又前也。公知欲諫故佯不視。溜力救反。屋霑也。

曰吾知所過矣將改之。稽首而對曰人誰無

過過而能改善莫大焉。詩曰靡不有初鮮克

終始。

有終。詩大雅也。息淺反。少也。鮮夫如是則能補過者鮮。

矣。君能有終則社稷之固也。豈唯羣臣賴之。

又曰。衮職有闕。惟仲山甫補之。能補過也。詩大

雅也。衮君之上服。闕過也。言服衮者有過則仲山甫能補之。君能補過衮

不廢矣。常服也。猶不改。宣子驟諫。公患之。使鉏

麇賊之。鉏麇晉力士。反。麇音迷。一五兮反。晨往寢門闢

矣。盛服將朝。尚早。坐而假寐。不解衣冠而睡。

音成。麇退。歎而言曰。不忘恭敬。民之主也。賊民

之主。不忠。弃君之命。不信。有一於此。不如死

也。觸槐而死。槐。趙盾庭樹。又音回。秋九月。晉侯飲

趙盾酒。伏甲將攻之。其右提彌明知之。右。車

飲於鳴反。提上。趨登曰。臣侍君宴。過三爵。非

禮也。遂扶以下。公嗾夫獒焉。明搏而殺之。獒。猛

犬也。嗾。素口反。說文云。使犬也。夫音扶。獒五羔反。搏音博。盾曰。弃人用

犬。雖猛何為。責公不養士。而更以犬為己用。鬪且出。提彌明

死之。初。宣子田於首山。舍于翳桑。田。獵也。翳桑。桑之多

蔭翳者。首山在河東蒲坂縣東南。翳於計反。見靈輒餓。問其病。靈輒。

晉人曰。不食三日矣。食之。舍其半。問之。曰。宦三

年矣。宦。學也。舍。音捨。音捨。未知母之存否。今近

焉。去家近。請以遺之。使盡之。而為之。簞食與肉。

簞。筍也。遺。唯季反。筍。思嗣反。寘諸橐以與之。既而與為公

介。靈輒為公甲士。橐。他洛反。而與。音預。倒戟以禦公徒。而免

之。問何故。對曰。翳桑之餓人也。問其名。居

不告而退。居。不望報也。遂自亡也。去。輒亦。乙丑。趙穿

攻靈公於桃園。穿。趙盾之從父昆弟子。乙丑。九月二十七日。宣子

未出山而復。晉竟之山也。盾出奔。聞公弒而還。犬史書曰。趙

盾弒其君。以示於朝。宣子曰。不然。對曰。子為

正卿。亡不越竟。反不討賊。非子而誰。宣子曰。

嗚呼。我之懷矣。自詒伊戚。其我之謂矣。逸詩也。言

人多所懷戀。則自遺憂。孔子曰。董狐。古之良史也。書法

不隱。不隱。盾之罪。趙宣子。古之良大夫也。為法受

惡。善其為法受屈。為。于偽反。惜也。越竟乃免。越竟。則君臣之義絕。

可以不宣子使趙穿逆公子黑臀于周而立

之黑臀晉文公子壬申朝于武宮壬申十月五日既有

日而無月冬又在壬申下初麗姬之亂詛無

畜羣公子詛盟誓自是晉無公族無公子故廢公

族之及成公即位乃宦卿之適而為之田以

為公族宦仕也為置田邑以為公族大夫又宦

其餘子亦為餘子餘子適子之母弟其庶子

為公行庶子妾子也掌率公晉於是有公族

餘子公行皆官趙盾請以括為公族括趙盾

如字趙姬之中子屏季也曰君姬氏之愛子

也趙姬文公女微君姬氏則臣狄人也公許

之盾狄外孫也冬趙盾為旄車

之族旄車公行之官使屏季

以其故族為公族大夫盾以其故官屬與屏

初危

經三年春王正月郊牛之口傷改卜牛牛死

乃不郊牛不稱牲。猶三望。葬匡王無傳。四月而葬。速。

楚子伐陸渾之戎。夏，楚人侵鄭。秋，赤狄侵齊。

無傳。宋師圍曹。冬十月丙戌，鄭伯蘭卒。再與文同盟。

葬鄭穆公。無傳。

傳三年春，不郊而望，皆非禮也。言牛雖傷死，當更改上取。

其吉者，郊不可廢也。前年冬，天王崩，未葬而郊者，不以王事廢天事。禮記：曾子問：天子崩，未殯，五祀不行。既殯而祭，自啓至。

于反哭，五祀之祭不行，已葬而祭。望郊之屬也。不郊亦無望可也。已有例在僖三十一年，復發傳者，嫌牛死與上。

宣三年

不從。晉侯伐鄭及邲，鄭及晉平。士會入盟。鄭邲

地為夏楚侵鄭。楚子伐陸渾之戎，遂至于雒。

觀兵于周疆。雒水出上雒冢，領山入河。定王使王

孫滿勞楚子。王孫滿，周大夫。楚子問鼎之大

小輕重焉。示欲偏周。對曰：在德不在鼎。昔夏

之方有德也，禹之遠方圖物。圖畫山川，奇異之物而獻之。

貢金九牧，使九州之鑄鼎象物。象所圖物，著之於鼎。

張慮反，著。百物而為之備，使民知神姦。圖鬼神之樹反。

物之形。使民逆備之。故民入川澤山林。不逢不若。若。順也。

螭魅罔兩。螭。山神獸形。魅。怪物。罔兩。水神。螭。勑。知反。魅。亡。備反。莫能

逢之。逢。遇也。用能協于上下。以承天休。民無災害。則上

下和而受天祐。桀有昏德。鼎遷于商。載祀六百。載。祀。皆年

祀。唐虞曰載。商曰商紂暴虐。鼎遷于周。德之休明。

雖小。重也。不可遷。其姦回昏亂。雖大。輕也。言可移。

天祚明德。有所底止。底。致也。成王定鼎于郊。鄆。

郊。鄆。今河南也。武王遷之。成王定之。○郊。古洽反。鄆。音辱。卜世三十。卜年

七百。天所命也。周德雖衰。天命未改。鼎之輕

重。未可問也。夏楚人侵鄭。鄭即晉。故也。宋文

公即位三年。殺母弟須。及昭公子。武氏之謀

也。武氏謀奉母弟須。及昭公子。以作亂。事在文十八年。使戴桓之族攻

武氏於司馬子伯之館。盡逐武穆之族。武穆

之族。以曹師伐宋。秋。宋師圍曹。報武氏之亂

也。冬。鄭穆公卒。初。鄭文公有賤妾。曰燕媼。媼。南

燕姓。○媼。其乙反。曰。余為伯儵。

余而祖也。伯僚南燕祖以是為而子。以蘭為

音汝以蘭有國香人服媚之如是。媚愛也欲

如既而文公見之與之蘭而御之辭曰妾不

才幸而有子將不信敢徵蘭乎。懼將不見信

蘭為懷公曰諾生穆公名之曰蘭文公報鄭

子之妃曰陳媯。鄭子文公叔父子儀也漢律

生子華子臧子臧得罪而出。出奔誘子華

而殺之南里。在僖十六年南里鄭地使盜殺子臧於陳

宋之間。在僖二十四年又娶于江生公子士朝于楚

楚人酖之及葉而死。葉楚地今南陽葉縣

又娶于蘇生子瑕子俞彌俞彌早卒洩駕惡

瑕文公亦惡之故不立也。洩駕鄭大夫公逐羣公

子公子蘭奔晉從晉文公伐鄭。在僖三十年

又如石癸曰吾聞姬姑耦其子孫必蕃。姑姓宜為

姬配姑吉人也后稷之元妃也。姑姓之女為

以與故今公子蘭姑甥也天或啓之必將為

曰吉人

君其後必蕃。先納之。可以亢寵。亢極也。與

孔將鉏。侯宣多納之。盟于大宮。而立之。大宮。鄭祖

廟。天。以與晉平。穆公有疾。曰：蘭死，吾其死。

乎。吾所以生也。刈蘭而卒。傳言穆氏所以大與於鄭。天所啓也。

經四年春。王正月。公及齊侯平莒及郟。莒人

不肯。公伐莒。取向。莒。郟。二國相怨。故公與齊侯共平之。向。莒邑。東海承

縣東南。有向城。遠疑也。向。秦伯稻卒。未同。

盟。夏六月乙酉。鄭公子歸生弒其君夷。傳例。稱

臣。臣之罪也。子公竇弒。而書子家。罪其權不足也。赤狄侵齊。無秋。公

如齊。無傳。告于廟。冬。楚子伐鄭。

傳四年春。公及齊侯平莒及郟。莒人

不肯。公伐莒。取向。非禮也。平國以禮。不以亂。伐而不

治亂也。責公不先以禮治之。而用伐。以亂平亂。何治之有。

無治。何以行禮。楚人獻龜於鄭靈公。穆公大子夷也。

音元。公子宋與子家將見。宋子公也。子家歸生。見賢遍反。

子公之食指動。第二指也。以示子家。曰：他日我如

此必嘗異味及入宰夫將解黿相視而笑公

問之問所笑。子家以告及食大夫黿召子

公而弗與也欲使指動無效。子公怒染指於鼎

嘗之而出公怒欲殺子公子公與子家謀先

先公為難。染如六畜許又反。子家曰畜老猶憚殺之六畜

又許六反。而況君乎反譖子家子家懼而

從之譖子家。夏弒靈公書曰鄭公子歸生弒

其君夷權不足也子家權不足以禦亂懼譖而從弒君故書以首惡

君子曰仁而不武無能達也初稱畜老仁也

武也故不能自通於凡弒君稱君君無道也不討子公是不

稱臣臣之罪也稱君謂唯書君名而稱國以

書弒者之名以示來世終為不義改殺稱弒

矣鄭人立子良庶子辭曰以賢則去疾不足

去疾子良名。以順則公子堅長乃立襄公

襄公將去穆氏逐羣而舍子良以其讓

堅也。子良不可曰穆氏宜存則固願也若將

亡之則亦皆亡。去疾何為？何為獨留乃舍之。皆為大夫。初，楚司馬子良生子越椒。子文曰：必殺之。子文子良之兄是子也，熊虎之狀而豺狼之聲，弗殺必滅若敖氏矣。諺曰：狼子野心，是乃狼也。其可畜乎？子良不可。子文以為大憾，及將死，聚其族曰：椒也知政，乃速行矣，無及於難。且泣曰：鬼猶求食，若敖氏之鬼不其餒而而語助言及令尹子文卒，鬬般為令尹。般子文之

子子揚。子越為司馬，蔣賈為工正，譖子揚而殺之。子越為令尹，已為司馬。賈為椒譖子揚而已得椒乃以若敖氏之族，圍伯贏於轅陽而殺之。圍囚也。伯贏，蔣賈也。轅陽，楚邑。為質焉，弗受。烝野，楚邑。三王，文成。穆。質，音致。師于漳滏。漳水邊。漳，音。漳滏，市制反。秋七月，戊戌，楚子與若敖氏戰于臯汭。臯汭，楚地。呼五反。伯棼射王，汰斬及鼓

跗著於丁寧

伯芬。越椒也。輶。車輶。汰。過也。箭。過車輶上。丁寧。鉦也。○瑟。扶云。

反射。食亦反。沃。他未反。輶。涉留反。射。沃。輶。以

貫笠轂

兵車無蓋。尊者則邊人執笠。依轂而。此言箭過車

轅。及王之蓋。○轂。古木反。

師懼退

王使巡師曰。吾先君文

王克息。獲三矢焉。伯芬竊其二。盡於是矣。鼓

而進之。遂滅若敖氏。初。若敖娶於邲。

邲。國名。邲。音。

生鬬伯比。若敖卒。從其母畜於邲。

畜。養也。畜。音。

反。淫於邲子之女生子文焉。邲夫人使弃諸

夢中

夢澤名。江夏安陸縣城東南。有。雲。夢。城。○。夢。音。蒙。又。亡。貢。反。

虎乳之

邲子田見之。懼而歸。夫人以告

告。女。私。通。所。生。○。乳。如。主。

反。遂使收之。楚人謂乳穀。謂虎於菟。故命之

曰鬬穀於菟。以其女妻伯比

伯比。所淫者。○。穀。奴。口。反。於。音。

烏菟。音徒。妻。七。計。反。

實為令尹子文

鬬氏。始。自。子。文。為。令。尹。

其孫

箴尹克黃

箴。尹。官。名。克。黃。子。揚。之。子。○。箴。之。金。反。

使於齊。還及

宋。聞亂。其人曰。不可以入矣。箴尹曰。弃君之

命。獨誰受之。君天也。天可逃乎。遂歸復命。而

自拘於司敗王思子文之治楚國也。曰子文

無後。何以勸善。使復其所。改命曰生。易其名也。冬

楚子伐鄭。鄭未服也。前年楚侵鄭。不獲成。故曰未服。

經五年春。公如齊。夏。公至自齊。秋九月。齊高

固來逆叔姬。高固。齊大夫。不書。女歸。降於諸侯。叔孫得臣卒

無傳。不書日。公不與小斂。與音預。冬。齊高固及子叔姬來。叔姬

寧。固反馬。楚人伐鄭。傳五年春。公如齊。高固使齊侯止公。請叔姬

五年

馬。留公。強成昏。夏。公至自齊。書過也。公既見於鄰國之臣。厭尊毀列。累其先君。而於廟行飲至之禮。故書以示過。厭於涉反。累劣偽。

反。秋九月。齊高固來逆女。自為也。故書曰逆

叔姬。卿自逆也。適諸侯稱女。適大夫稱字。所以別尊卑也。此春秋新例。故稱書曰。而不言凡也。不於莊二十七年發例者。嫌見逼而成昏。因明之。為于偽反。別彼列。冬來反馬也。禮送女。留其送馬。謙不敢自安。三月廟見。遣使反馬。高固遂與叔姬俱寧。故經傳具見以示譏。

楚子伐鄭。陳及楚平。晉荀

林父救鄭。伐陳。為明年晉衛侵陳傳。

經六年春晉趙盾衛孫免侵陳夏四月秋八月

月螽無傳冬十月

傳六年春晉衛侵陳陳即楚故也夏定王使

子服求后于齊子服周大夫秋赤狄伐晉圍懷及

邢邢正今河內平臯縣晉侯欲伐之中行桓子曰使

疾其民驕則數戰為民所疾以盈其貫將可殪也殪盡也貫猶習也

患反殪於計反周書曰殪戎殷周書康誥也為十五年

盡滅之此類之謂也晉滅狄傳冬召桓公

宣六年

逆王后于齊召桓公王卿士事不關魯故不

上照楚人伐鄭取成而還九年十一月傳所

鄭公子曼滿與王子伯廖語欲為卿二子鄭大夫

曼音萬廖伯廖告人曰無德而貪其在周易

豐三三離下震之離三三豐上六變而為純

雖不筮必以變言其義豐上六曰豐其屋其家闕其戶闕其無人三歲不覲凶義取無

德而大其屋不過三歲必滅亡弗過之矣

不謂步口反闕苦規反闕苦鷄反弗過之矣

不過間一歲鄭人殺之

三年

春秋十

經七年春衛侯使孫良夫來盟夏公會齊侯

伐萊傳例曰不與謀也秋公至自伐萊無傳大

旱無傳書旱而不書冬公會晉侯宋公衛侯

鄭伯曹伯于黑壤

傳七年春衛孫桓子來盟始通且謀會晉也

公即位衛始脩好夏公會齊侯伐萊不與謀也凡師

出與謀曰及不與謀曰會與謀者謂同志之

計成而行之故以相連及為文若不獲已應命而出則以外合為文皆據魯而言師者國

宣七年

之大事存亡之所由故詳其舉赤狄侵晉取

向陰之禾此無秋字蓋闕文晉用桓子謀故縱狄向舒亮反鄭及晉

平公子宋之謀也故相鄭伯以會冬盟于黑

壤王叔桓公臨之以謀不睦王叔桓公周卿士衛天子之命

以監臨諸侯不同晉侯之立也在二公不朝

焉又不使大夫聘晉人止公于會盟于黃父

公不與盟以賂免黃父即黑壤故黑壤之盟不書

諱之也慢盟王以取執止之辱故諱之

經八年春公至自會無傳義與五年書過同夏六月公

子遂如齊至黃乃復無傳蓋有疾而還大天受命而出雖死以尸將

事遂以疾還非禮也辛巳有事于大廟仲遂卒于垂有

祭也仲遂卒與祭同日略書有事為繹張本

也稱字時君所嘉無義例王午猶繹萬入去

也垂齊地非魯竟故書地籥管也猶者可止之辭魯人知卿佐之喪不

宜作樂而不知廢繹故內舞戊子夫人嬴氏

薨無傳宣晉師白狄伐秦楚人滅舒蓼秋七

宣八年

月甲子日有食之既無傳月三十日食冬十月己丑

葬我小君敬嬴敬諡嬴姓也反哭雨不克葬

庚寅日中而克葬成喪故稱葬小君城平陽今泰山有平陽縣楚

師伐陳

傳八年春白狄及晉平夏會晉伐秦經在仲遂卒下

從晉人獲秦謀殺諸絳市六日而蘇蓋記也有

事于大廟襄仲卒而繹非禮也楚為眾舒叛

故伐舒蓼滅之舒蓼二國名楚子疆之正其界也

春秋左傳卷八

及滑汭滑水名也。滑于八反。盟吳越而還吳國。今吳郡。越國。今

會稽山陰縣也。傳言楚疆。晉胥克有蠱疾以惑

喪志。卻缺為政代趙秋廢胥克使趙朔佐

下軍朔盾之子。代胥克。為成十年。冬葬敬嬴旱

無麻始用葛菲記禮變之所由。菲所以引柩。

柩。引棺索也。雨不克葬禮也禮卜葬先遠日

辟不懷也懷思也。城平陽書時也陳及晉平楚

師伐陳取成而還言晉楚爭強

經九年春王正月公如齊無傳公至自齊無傳夏

仲孫蔑如京師齊侯伐萊無傳秋取根牟根牟東夷

國也。今琅邪陽都縣東有牟鄉。八月滕子卒未同盟九月晉侯

宋公衛侯鄭伯曹伯會于扈晉荀林父帥師

伐陳辛酉晉侯黑臀卒于扈卒於竟外。故書地。四與文同盟。

九月。無辛酉。日誤。冬十月癸酉衛侯鄭卒無傳。三與

宋人圍滕楚子伐鄭晉卻缺帥師救鄭陳殺

其大夫洩冶洩冶直諫於淫亂之朝。以取死。故不為春秋所貴而書名。洩

息列反

治音也

傳九年春王使來徵聘徵召也言周徵也徵聘不書徵加諷諭不

斥指夏孟獻子聘於周王以為有禮厚賄之秋

取根牢言易也易以滕昭公卒為宋匡會

于扈討不睦也陳謀齊陳侯不會前年與晉荀

林父以諸侯之師伐陳不書諸侯師林父帥之無將帥晉侯

卒于扈乃還冬宋人圍滕因其喪也陳靈公

與孔寧儀行父通於夏姬皆衷其袒服以戲

宣九年

于朝二子陳卿夏姬鄭穆公女陳大夫御叔妻衷懷也袒服近身衣夏戶雅反衷

宣淫民無效焉宣示且聞不令君其納之納藏

服袒公曰吾能改矣公告二子二子請殺之公

弗禁遂殺洩冶孔子曰詩云民之多辟無自

立辟其洩冶之謂乎辟邪也辟法也詩大雅言邪辟之世不可立法

楚子為厲之役故伐

鄭伯逃歸事見十一年為去聲晉卻缺救

春秋十

鄭鄭伯敗楚師于柳。柳，鄭地。國人皆喜。唯子良憂，曰：「是國之災也。吾死無日矣。」

晉楚交兵伐鄭十二年。卒有楚子入鄭之禍。

經十年春，公如齊。公至自齊。齊人歸我濟

西田。元年以賂齊也。不言夏四月丙辰日有

食之。無傳。不書己巳。齊侯元卒。未同盟而齊

崔氏出奔衛。齊略見舉族出。因公如齊五月。

公至自齊。無傳。癸巳，陳夏徵舒弑其君平國。舒徵

宣十年

陳大夫也。靈公惡不。六月，宋師伐滕。公孫歸

父如齊，葬齊惠公。襄仲之子。晉人。宋人。衛人。

曹人伐鄭。鄭及楚。秋天，王使王季子來聘。季

然則字季子。天子大夫稱字。公孫歸父帥師

伐邾，取繹。繹，邾邑。魯國。鄒大水。季孫行父

如齊。冬，公孫歸父如齊。齊侯使國佐來聘。既

成君。故稱饑。無傳。有水災。楚子伐鄭

君命使也。嘉穀不成。傳十年春，公如齊。齊侯以我服，故歸濟西之

田公比年夏齊惠公卒。崔杼有寵於惠公。高

國畏其偏也。高國。二家。齊正卿。公卒而逐之。

奔衛。書曰：崔氏非其罪也。且告以族，不以名。

典策之法。告者皆當書以名。今齊特以族告。夫子因而存之。以示無罪。又言且告以族，不以名者。明春秋有因而用之。不皆改舊史。凡諸侯之大夫違

告於諸侯曰：某氏之守臣某。上某氏者。姓。下某。各。守音狩。

失守宗廟，敢告。所有玉帛之使者，則告。玉帛之使

聘，不然則否。恩好不接。故亦不告。公如齊奔喪。公親奔喪。非禮。

宣十年

也。公出朝會。奔喪會葬。皆書如。不言其事。史之常也。陳靈公與孔寧儀

行父飲酒於夏氏。公謂行父曰：徵舒似女。對

曰：亦似君。徵舒病之。靈公即位。於今十五年。徵舒已為卿。年大。無嫌

是公子。蓋以夏姬淫放。故謂其子多似以為戲。女音汝。公出自其廄射

而殺之。二子奔楚。音石。射。滕人恃晉而不事宋。

六月，宋師伐滕。鄭及楚平。前年敗楚師。恐楚深怨。故與之平。

諸侯之師伐鄭。取成而還。秋，劉康公來報聘。

報孟獻子之聘。即王季子也。其後食采於劉。師伐邾，取繹。為子家如齊傳。

春秋十

卷

季文子初聘于齊齊侯初即位冬子家如齊伐邾

故也魯侵小恐為齊所討故往謝國武子來報聘報文子也楚

子伐鄭晉士會救鄭逐楚師于潁北潁水出河南陽

城至下諸侯之師戍鄭鄭子家卒鄭人討幽

公之亂斲子家之棺而逐其族以四年弒君故也斲薄其

棺不使從卿禮斲竹角反改葬幽公諡之曰靈

經十有一年春王正月夏楚子陳侯鄭伯盟

于辰陵楚復伐鄭故受盟也辰陵陳地潁川長平縣東南有辰亭公孫歸

宣十一年

父會齊人伐莒無傳秋晉侯會狄于欒函晉侯往會

之故以狄為會主欒函狄地欒才端反函音咸冬十月楚人殺陳

夏徵舒不言楚子而稱人討賊辭也丁亥楚子入陳楚子先殺

徵舒而欲縣陳後得申叔時諫乃復封納公

孫寧儀行父于陳二子淫昏亂人也君弒之後能外託楚以求報君之

讎內結強援於國故楚莊得平步而討陳除

弒君之賊於時陳成公播蕩於晉定亡君之

嗣靈公成喪賊討國復功足以補過故君子善楚復之

傳十一年春楚子伐鄭及櫟子良曰晉楚不

務德而兵爭與其來者可也晉楚無信我焉

得有信乃從楚夏楚盟于辰陵陳鄭服也

楚與晉狎王盟。標音歷。楚左尹子重侵宋。子重公子嬰。

王待諸郟。郟音延。令尹蔦艾獵城沂。艾獵孫叔。

敖也。沂楚邑。使封人慮事。封人其時王築城者。慮事無慮計功。

慮如字。一力於反。以授司徒。司徒掌役。量功命

日。命作日。數。分財用。財用築具。平板榦。榦榦也。稱畚築

量輕重。畚盛土器。畚音本。程士物。程為作議遠邇均勞略。

宣十二年

基趾。趾城足略。行也。行去聲。具餼糧。餼乾食也。度有司。謀監。

度待。事三旬而成。十日為旬。不愆于素。不過素所。

傳言叔敖之能使民。晉卻成子求成于眾狄。眾狄疾赤

狄之役。遂服于晉。赤狄潞氏最强。秋會于欒。

函眾狄服也。是行也。諸大夫欲召狄。卻成子

曰。吾聞之。非德莫如勤。非勤何以求人。能勤

有繼其從之也。勤則功。繼之。詩曰。文王既勤止。頌詩。

文王勤以創業。文王猶勤。况寡德乎。冬。楚子為陳夏

春秋

卷六

氏亂故伐陳十年夏徵舒弒君謂陳人無動將討於

少西氏少西徵舒之名遂入陳殺夏徵舒輟諸

栗門輟車裂也栗門陳城門因縣陳滅陳以爲楚縣陳侯

在晉靈公子成公午申叔時使於齊反復命而退王

使讓之曰夏徵舒爲不道弒其君寡人以諸

侯討而戮之諸侯縣公皆慶寡人楚縣大夫皆僭稱公

女獨不慶寡人何故對曰猶可辭乎王曰可

哉曰夏徵舒弒其君其罪大矣討而戮之君

宣十一年

之義也抑人亦有言曰牽牛以蹊人之田抑

也蹊徑也而奪之牛牽牛以蹊者信有罪矣蹊音兮

而奪之牛罰已重矣諸侯之從也曰討有罪

也今縣陳貪其富也以討召諸侯而以貪歸

之無乃不可乎王曰善哉吾未之聞也反之

可乎對曰可哉吾儕小人所謂取諸其懷而

與之也叔時謙言小人意淺謂譬如取人物於懷而還之爲愈於不還○儕仕皆

反乃復封陳鄉取一人焉以歸謂之夏州州鄉

屬。示討。夏氏所獲。故書曰。楚子入陳。納公孫也。○復扶。又反。

寧儀行父于陳。書有禮也。沒其縣。陳本意。全以討亂存國為文。

善其得禮。厲之役。鄭伯逃歸。蓋在六年。自是楚未得志。

馬鄭既受盟于辰陵。又徼事于晉。為明年楚圍鄭傳。十年。

年鄭及楚平。既無其事。辰陵盟後。鄭徼事晉。又無端跡。傳皆特發以明經也。自厲之役。鄭

南北兩屬。故未得志。九年楚子伐鄭。不以黑壤興伐。遠稱厲之役者。志恨在厲役。此皆傳

也。○徼。古堯反。上下相包通之義。

春秋經傳集解宣公上第十

宣十年

春秋卷十考證

宣公二年傳。寘諸畚。註以草索為之。莒屬。○案三禮圖

筥圓受五升。筥字从竹。不从艸。今改正。

翳桑之餓人也。○餓人。殿本嘉萬本作饑人。案餓與

饑雖無別。但此承上文見靈輒餓句來。則自應作餓

字。

乃宦卿之適而為之田。○適字下。殿本閣本有子字。

四年公如齊。註無傳。○無傳二字。殿本閣本闕。永懷

堂本林氏直解本與此同。

傳楚人謂乳穀音義穀奴口反。○殿本閣本作如口。

反乃揉字音奴之譌也

九年傳會于扈計不睦也註謀齊陳○他本作謀齊也
案下云荀林父帥師伐陳則此必齊陳兼謀不當無
陳字林氏直解云謀齊陳之不睦此說得之
十年傳諸侯之師戍鄭鄭子家卒○閣本闕諸侯之師
戍鄭鄭七字乃脫簡也

十一年傳使封人慮事註慮事無慮計功○案無慮二
字義似難曉故陸氏引廣雅以明之正義釋云無則
慮之訖則計功史書多有無慮之語皆謂揆度前事
是無慮二字確無可疑 殿本閣本改作謀慮反失

其舊

音義廣雅云無慮都凡也○案廣雅所謂都凡猶漢
書趙充國註所謂大計也韓維詩書之遠寄龍山下
云此僅止存都凡即此二字義 殿本閣本作都邑
誤

反之可乎對曰可哉吾儕小人所謂取諸其懷而與之
也○ 殿本閣本無對字并無可哉二字案此對曰
可哉句與反之可乎緊接與王曰可哉遙應乃左氏
文法妙處當從原本爲善





